

頭盧言汝若須餅盡以相與今與不惜何須我爲而令我手著答言我不須餅亦不須器亦不須汝我等四人共議度汝及第二人已化汝弟我應度汝所以余耳問言今欲令我何所施作答言姊妹可戴此餅隨我施佛及千二百五十比丘皆悉飽滿猶故不盡持往白佛我此少餅供佛及僧皆悉飽滿猶故不盡今當持此著於何處佛言可著無生草地若無虫水中彼女人便持著無虫水中水沸作聲如以熱鐵投于小水便生恐怖還至佛所佛爲說法得法眼淨即受歸戒如弟無異諸長老等以是白佛佛即訶責告諸比丘從今不得復現神足

出
第三十卷
孫沙塞律

經律異相卷第十三

黜斥上丑律反退下音尺弃不用也償擯必刃反弃也罰剪迷反下步三牲牛羊猪也策昌責反計謀也鑄音反鑄注殊好上尺朱反美也愁憤下俱

經律異相卷第十四

梁沙門寶唱等譯

丙四

經律異相卷第十三

十六末 丙三

心亂也 痘結嚴整良反齒五巧反舊緻直利及匿王上妙鑿穿昨羸劣垂力盪鉢洗音蕩頽徒回反突吉上徒骨反此云惡作罪革屣下所綺反也 廊然上苦鑰孔上音藥覆蔽必祭反下忽檢上於餉文尚反贈食也今杖音翼梯杖上湯掉頭上徒吊床榆下音塔捺國柰上音剥纖下市裸反規均跡鑿市戰反幽邃下私也燈炷下音歎然上音色栗吒上良吉反剥也

奪上必角反船舫下音自刎斷頭也反筌篇下市裸反規均跡鑿市戰反幽邃下私也

舍利弗受灌園人浴令生天上四
舍利弗化人攀今生天上五

舍利弗入金剛定爲鬼所打不能毀傷六

舍利弗性懲難求七

舍利弗先佛涅槃八

舍利弗目連捕現神力九

目連使阿耆河水漲作寶橋度佛十

目連爲母造盆十一

目連爲魔所燒十二

目連勸弟施并示報處十三

目連伏菩薩慢十四

目連以神力降化梵志十五

目連化諸鬼神說先罪十六

目連現二神足降二龍王十七

目連遷無熱報池現金翅鳥十八

目連三觀不中其心皆實十九

目連心實事虛二十

舍利弗退大乘而向小道一

舍利弗於六十劫中行善薩道欲渡布施河時有一人來乞其眼舍利弗言眼無所住何以索之若須我身及財物者當以相與答曰唯欲得眼舍利弗出一眼而與之乞者得眼唾而脚蹋舍利弗言如此等人難可度也不如自調早伏生死於是迴向小乘出大智論第十二卷

舍利佛從生及出家得道二

南天竺有婆羅門名曰提舍爲大論議師其妻懷姪夢見一人身被甲冑手執金剛摧破諸山在山邊立提舍問之曰汝當生男摧伏諸論議師唯不如一人爲作弟子懷姪已後母大聰明甚能論議弟拘鄰羅與姊言談每事屈滯知所懷子必大智慧捨家學問不暇剪爪時人呼爲長爪梵志姊生兒七日字曰優波提舍出大智論云

時人以母所生共爲之号名舍利弗年始八歲誦十八部經通解一切書籍時摩伽陀國有龍王兄弟一名吉利二名阿伽羅降雨以

時國無荒年人民感之常以仲春之月一切大集至龍住處爲設大會作樂談義終此一晨自古及今斯集未替敷四高座一爲國王二爲太子三爲大臣四爲論士舍利弗八歲之身觀察時人神情矚向無勝已者便昇論座結跏趺坐衆人疑恠或謂愚小無知或謂智量過人雖復嘉其神異猶懷矜耻以其年小不自與語皆遣年少弟子傳言問之答酢流便辭理超絕時諸論師歎未曾有愚智大小一切皆伏王大歡喜即命有司封一聚落常以給之國內大小無不慶悅時吉占師子名拘律陀姓大目犍連舍利弗共爲親友舍利弗才明見貴目犍連豪爽致智才智相比行止以俱結要終始後俱出家學道作梵志刪闡耶弟子問於師曰求道所得師答之曰自我求道彌歷年歲不知爲道果無耶我非其人耶而亦不得他日其師寢疾舍利弗在頭邊立大目連在足邊立喘喘然其將

終乃愍余而笑二人問笑意師答之言世俗無明爲恩愛所侵我見金地國王死其大夫自投火穢求同一處而此二人行報各異生處殊絕是時二人筆受師語欲以驗其虛實後有金地商人遠來摩伽陀國二人以跣足如師語乃撫然歎曰我等非其人耶

丙四

三

爲是師隱我耶二人相與誓曰若先得甘露要畢同味佛度迦葉兄弟千人次遊王舍城時一比丘名阿說示五一人著衣持鉢入城乞食舍利弗見其容儀超異諸根靜默問曰汝師是誰耶答曰釋種太子厭老病死苦出家學道得無上菩提是我師也舍利弗言爲我

說法汝師教授法答曰

我年既幼稚 學日又初淺 岂能宣至真
如來廣大義

又曰略說其要答曰

諸法因緣生 是法因緣滅

舍利弗即得初道出曜經云得無若果還爲目連說亦

得初道二師爲各與二百五十弟子俱到佛所佛遙見之指舍利弗是我弟子中智慧第一又指目連云神足第一今與其弟子大衆俱來白佛言我等願從佛法出家佛言善來比丘即時鬚髮自落法服著身衣鉢具足受成就戒過半月後聞佛爲長爪梵志說法

即得阿羅漢道

出大智論第十一卷

舍利弗請佛制戒三

佛住舍衛城舍利弗請佛制戒諸比丘言云

何未有過而求制戒佛言舍利弗不但今日

未有過而請制戒其往昔時在一聚落人民居士未有過患亦嘗請我制諸刑罰時國名

迦尸城名波羅柰國王名淨稱淨稱以法治化布施持戒以道況愛人民致盛富樂豐實村里邑屋雞飛相接舉國相敬常作諸妓共相娛樂時有大臣名曰陶利多諸謀策白王言今日境內自然富樂人民相敬願王制立刑罰莫令樂極生過王曰卿諸大臣聰明有

智多有朋黨不可卒制若一訶責或生瞿各王欲薄啓其意乃說偈言

縱力喜瞋怒 哀愍必治制 化民以正法
令心無忿蔽

大臣咸喜亦說偈言

最勝人中尊 調伏久住世 以道治蒼生

丙四

慈陰無極衆

佛言淨稱者則我身是大臣者舍利弗是僧

出祇律第十一卷

舍利弗受灌園人浴令生天上四

舍利弗夏盛熱時遊菴羅園一客作人汲井水灌樹於佛無有大信見舍利弗發小信心

喚舍利弗言大德來脫衣樹下坐我以水澆不失溉灌兼相利益舍利弗脫衣受洗身得涼樂隨意遊行此客作人其夜命終即生忉利天上有大威力次釋提洹因便自念言我何因生此自觀宿命信心微薄因客作溉灌汲水洗浴舍利弗身我若信心淳厚知必有

報故設浴具以爲供養自惟爲功雖少以遇良田獲報甚多即詣舍利弗所散華供養舍利弗因其清信之心爲說法要得須陀洹道

出雜
藏經

舍利弗化人蟒令生天上五

昔舍衛國一旦雨血縱廣四十里王與羣臣

咸大驚恠即召諸道術及知占候使推爲吉凶占者對曰舊記有云雨血之災應生人蟒毒害之物宜推國內障別災禍王曰何以別知占師曰是爲人蟒難可別知試勸國中有新生小兒即悉送來以一空盆使衆兒唾之中有一兒唾即成火燄當知此兒正是人

丙四

五

蟒議曰此不可著人間即徙置閑隱無人之處國中有應死者可送與之人蟒吐毒殺人如是前後被毒所殺七万二千人後有師子來出震吼之聲四十里內人物攝伏周流暴害莫能制御於是國王即募國中能却師子者與金千斤封一大縣無有應者衆臣白王

唯當有人蟒能却勑使往喚人蟒人蟒逢見師子至往住其前毒氣吹師子即死國致清寧後時人蟒年老得病命將欲終佛愍其罪重一墮惡道無有出期告舍利弗汝往訓之使脫重殃舍利弗便忽住其前蟒大隆怒念曰吾尚未沒爲人所易無所啓白徑來我前便放毒氣謂能害之舍利弗以慈慧攘却光顏舒擇一毛不動三放毒氣而不能害即知其尊意解善生更以慈心上下七返視舍利弗舍利弗便還精舍吸氣人蟒終于其日即天地大動極善能動天地極惡亦能動地時摩竭王即詣佛所稽首于地問世尊曰人蟒命終當趣何道佛言今生第一天上王聞佛語恠而更問佛言大罪之人何得生天佛言以見舍利弗慈心七返上下視之因是之福生第一天福盡當生第二天上至七返以後當得辟支佛而般泥洹王白佛言七万二千人罪不復償耶佛言末後作辟支佛時身當

如紫磨黃金時當在道邊樹下坐定意時嘗有大軍衆七萬餘人遇見辟支佛謂是金人即取斫破各各分之肉墮手中視之是肉皆還聚置而去因是般泥洹今世之罪乃少薄償便畢佛告王遇善知識者山積之罪可得消滅亦可得道

出等喻經第九卷

舍利弗入金剛定爲鬼所打不能毀傷六

佛在羅閱城迦蘭陀竹園時尊者舍利弗在

耆闍崛山中入金剛三昧

雜阿含云
新剃髮是時有

二鬼一名伽羅二名優婆伽羅毗沙門天王使遣至毗留勒天王所欲論人天之事是時二鬼從彼虛空而過遙見舍利弗結跏趺坐

六

繫念在前意寂然定伽羅鬼語彼鬼言我今

堪任以拳打此沙門頭優婆伽羅鬼語第二鬼曰汝勿興此意打沙門頭所以然者此沙門極有神德有大威力世尊弟子中聰明智慧最爲第一備於長夜受苦無量是時彼鬼再三曰我堪任打此沙門頭優婆伽羅鬼

報曰汝今不隨我語者汝便住此吾捨汝去此惡鬼曰汝畏沙門乎優婆伽羅曰我實畏之設汝以手打此沙門者地當分爲二分當暴風疾兩地亦震動諸天驚怖四天王已知我等不安其所是時惡鬼曰我今堪任辱此沙門善鬼聞已便捨而去時彼惡鬼即打舍利

弗頭是時天地大動四面暴風疾雨尋時來至分爲二分惡鬼全身墮地獄中

雜阿含云
舍利弗言

燒我煮我
鬼畜地中

舍利弗從三昧起整衣服往詣竹園至世尊所頭面禮足在一面坐時佛告舍利弗曰汝今身體無疾病乎舍利弗言體素無患唯苦

頭痛世尊告曰有伽羅鬼手打汝頭若當彼鬼以手打須弥山者山便爲一分所以然者彼鬼有大力今此鬼受其罪報故全身入阿鼻獄中尔時世尊告諸比丘甚奇甚特金剛三昧力乃至於斯由此三昧無所傷害正使須弥山打頭者終不能動其毛所以然者比

丙四

七

丘聽之於此賢劫中有佛名拘樓孫彼佛有二大聲聞一名等壽二名大智等壽神足第一大智智慧第一如我今日舍利弗智慧第一目犍連神足第一時等壽大智二比丘俱得金剛三昧等壽一時在閑靜處入於寂定時牧牛羊人取薪草人見各相謂言此沙門今取無常即共集草木薪積其身上以火焚燒捨之而去是時等壽尋從定起正衣服入村乞食諸取薪人還見比丘各相謂言此比丘昨日命終我等以火焚燒今日還活今當立字字號還活若比丘得金剛三昧者入水火刀劍不能中傷金剛三昧威德如是今舍利弗得此三昧多遊二處空空三昧金剛三昧

出增一阿含經第三十卷

舍利弗性懲難求七

舍利弗等受六羣比丘尼請設多美飲食下座及沙弥與六十日稻飯胡麻滓合菜煮佛問羅睺羅僧飲食飽足不具答又問有誰上

座又答和上舍利弗佛言舍利弗食不淨食舍利弗吐去所食誓盡形壽斷受外請常行乞食諸大貴人後欲設僧飯願得舍利弗白衣乞勒舍利弗還受外請佛言莫求其性惡懲其過去時有一國王為毒蛇所螫能治毒佛作舍伽羅呪收毒蛇來先作火聚語蛇言

汝寧入火寧還喰毒蛇思惟我已睡竟乃投身火中毒蛇即舍利弗也

出十誦律序下卷又出弥沙塞律第

三十一卷又出僧祇律第四十卷

舍利弗先佛涅槃八

佛告阿難得四神足者能住壽一劫如來今者當壽幾許如是至三阿難為魔所迷惑然

不對又告阿難汝可起去靜處思惟即起至林中時魔波旬來至佛所白言世尊處世教化度人周訖蒙脫生死數如恒沙時年又老可入涅槃即告魔言却後三月當般涅槃波旬聞說歡喜而去阿難睡夢見有大樹普覆虛空一切羣萌靡不蒙賴旋風卒起吹激其

樹滅於力士所住之地一切群生莫不悲悼
阿難驚覺怖不自寧思惟所夢將無世尊欲
般涅槃來至佛所而白佛言我向所夢如斯
之事將無世尊欲般涅槃佛告阿難如汝所
言吾後三月當般涅槃我向問汝若有得四
神足者能住壽一劫吾四神足極能修善如

是滿三而汝不對魔來勸我當取涅槃吾以
許之阿難悲慟不能自持其諸弟子展轉相
語各懷悲仰來至佛所誰得常存我爲汝等
應作已作應說已說汝等但當勤修精進何
爲憂感舍利弗聞佛涅槃深懷歎感不忍見
世尊而取滅度今欲在前而入涅槃唯願世
尊當見聽許如是至三世尊告曰宜知是時
一切賢聖皆當寂滅舍利弗即整衣服三業
供養却行而去將沙弥均提詣羅閱祇至本
生城即勑均提汝往入城及至聚落告國王
大臣舊故知識諸檀越輩來共取別均提宣
告和尚舍利弗將般涅槃諸欲見者宜可時

往阿闍世王及諸四輩各自馳奔舍利弗如
是種種廣爲諸人隨病設藥衆會有得初果
乃至三果或有出家成阿羅漢者復有誓心
求佛道者聞說法已作禮而去於後夜分正
身正意繫心在前入於初禪從初禪起入第
二禪如是次第入滅盡定從滅定起而般涅
槃時天帝釋與多天衆來至其所讚歎供養
帝釋又勑毗首羯磨合集衆寶莊校高車送
平博地勑諸夜叉往大海邊取牛頭栴檀積
爲大蘋安身在上酥油灌之放火闔維火滅
之後均提捨取舍利盛著鉢中攝其三衣擔
至佛所阿難悲悼言法輪大將已取涅槃我

丙四

九

何憑怙佛曰其雖滅度五分法身亦不滅也
舍利弗過去世時亦不堪忍見於我死而先
我前死阿難白佛不審往昔先前取死其事
云何佛告阿難過去久遠不思議劫此閻浮
提有一國王名栴陀婆羅梁言王有二万
夫人嫁女其第一夫人名須摩檀梁言一萬

大臣其第一者名摩旃陀梁言王有五百太子最大太子名曰尸羅跋陀梁言王所住城名跋陀耆婆梁言其城縱廣四百由旬四面周匝凡有百二十門設大檀施隨衆所須盡給與之并復告下八万四千諸小國土悉令開藏給施一切衆臣如教即豎金幢擊於金

鼓廣布宣令膳王慈詔遠近內外咸令聞知於時國內沙門婆羅門貧窮孤老有乏短者強弱相扶集如雲兩稱意與之間浮提民蒙王恩澤有一小國其王名曰毗摩斯那聞月光王羨稱高大心懷嫉妒寢不安席即自思惟月光不除我名不出當設方便請諸道士

募求諸人婆羅門言王有何憂當見示語王言彼月光王名德遠著一切承風我獨卑陋無此美稱願得除之作何方便婆羅門言月光慈惠澤潤窮厄如民父母我等何心從此惡謀寧自殺身不能爲此即各罷散不顧供養時毗摩斯那益增愁憤即出廣募周遍宣

令誰能爲我得月光頭分國半治以女妻之爾時山勝有婆羅門名勞度差來應王慕王甚歡喜重語之言苟能成辦不違信誓若能去者當以何日婆羅門曰辦我行道糧食所須至後七日便當發別時婆羅門作呪自護七日已滿便來辭王王給所須進路而去

丙四

十

時月光國預有變恠八万四千諸小國王皆夢大金幢卒折金鼓卒裂大月大臣夢鬼奪王金冠各懷愁憂不能自寧時城門神知婆羅門欲乞王頭遮不聽入時婆羅門遶城數匝不能得前首陀會天知月光王以此頭施於檀得滿便於夢中而悟王言汝誓布施不

逆衆心乞者在門無由得前欲爲施主事所不然王覺愕然即勑大月汝往詣門勑勿遮人大月大臣往到城門時城門神即自現形白大月言有婆羅門從他國來懷挾惡心欲乞王頭是以不聽大臣答曰是爲大災然王

五

百故用貿易之即勑令作時婆羅門徑至殿下前高聲唱言我在遐方聞王功德一切布施不逆人意故涉遠來欲有所得王聞歡喜迎爲作禮問訊行道不疲極耶隨汝所願婆羅門言一切外物雖用布施非我所須我故遠來唯乞王頭若不幸逆當見施與王聞是

語踊躍無量婆羅門言若施我頭何時當與王言却後七日當與汝頭余時大臣擔七寶頭來前語婆羅門言此王頭者骨肉血合不淨之物用索此爲今持余所七寶之頭以用貿易汝可取之轉易足得終身之富婆羅門言我不用此欲得王頭全我所志時大月臣

丙四
十

種種曉喻求不迴轉憤憾心裂七分而死王前勅詔臣下乘八千里象遍告諸國言月光大王却後七日當持其頭施婆羅門若欲來者速時馳詣余時八万四千諸王駱驛而至咸見大王腹指王前闇浮提人賴王恩澤云何一旦爲一人故永捨衆庶更不矜憐唯願

垂愍莫以頭施一方大臣皆身投地腹拍王前唯見哀愍矜恤我等莫以頭施二万夫人亦身投地仰白王言莫見忘捨唯垂蔭覆若以頭施我等何枯五百太子啼哭王前我等孩幼當何所歸願見愍念莫以頭施長養我等得及人倫於是大王告諸臣民夫人太子

計我從本受身已來涉歷生死由來長久若在三塗截斷其頭死而復生如是無數亦無福報若生人間諍於財色爲貪恚癡恒殺多身未曾爲福而捨此命今我此身種種不淨會當捐棄不能得久捨此穢頭用賚大利何得不與我持此頭施婆羅門以是功德誓求

佛道度汝等苦今我施心垂欲成滿慎莫遮我無上道意一切諸王臣民夫人太子聞王語已默然無言余時大王語婆羅門欲取頭者今正是時婆羅門言今王臣民大衆圍遶我獨一身力勢單弱不堪此中而斫王頭欲與我者當至王後園余時大王告諸小王太

子臣民汝等若必愛敬我者慎勿傷害此婆羅門作此語已共婆羅門入於後園時婆羅門又語王言汝身盛壯力士之力若遭斫痛儻復還悔取汝頭髮緊繫在樹尔乃能斫時王用語語婆羅門汝斫我頭墮我手中然後取去今以頭施用來無上正真之道誓濟群生時婆羅門舉手欲斫樹神見此甚大懊惱如此之人云何欲殺即以手搏婆羅門耳其頭反向手脚繚戾失刀在地不能動搖尔時大王仰語樹神我過去已來於此樹下曾以九百九十九頭以用布施今捨此頭便當滿千捨此頭已於檀便具汝莫遮我無上道心

(丙四)

(丁三)

尔時樹神聞王是語使婆羅門平復如故時婆羅門便從地起還更取刀便斫王頭頭墮手中尔時天地六反震動諸天宮殿掉動不女各懷恐怖惟其所以尋見菩薩爲一切故捨頭布施皆悉來下感其奇特悲淚如雨因共讚言月光大王以頭布施於檀波羅蜜今

已得滿音聲普遍彼毗摩羨王聞此語已喜踊驚愕心擘裂死時婆羅門擔王頭去諸王臣民夫人太子已見王頭自投于地同聲悲叫絕而復蘇時婆羅門嫌王頭臭即便擲地脚踏而去或復有人語婆羅門汝之酷毒劇甚乃尔既不中用何爲乃索時婆羅門進道而去人見便責無給食者飢餓萎悴困切極理道中有人因問消息知毗摩羨王已復命終失於所望及勞度差命終皆墮阿臘泥犁其餘臣民思念王恩感結死者皆得生天如是阿難欲知尔時月光王者今我身是毗摩羨王今波旬是時大月大臣今舍利弗是當於尔時不忍見我死而先我若前死乃至今日不忍見我入於涅槃而先滅度

賢愚經第
五卷方便

舍利弗目連捕現神力九

佛在舍衛城祇樹給孤獨園時世尊於十五日說戒時諸比丘僧及五百比丘衆

大智論五百大

(丙四)

(丁三)

佛報恩經
大同小異

漢羅從祇洹沒詣阿耨達池時阿耨達龍王至出尊所頭面禮足在一面坐觀如來顏色及諸比丘即白佛言觀此衆中皆空無所有舍利弗比丘今無此座佛告目連言汝速往至舍利弗所以我聲告目連承教往舍衛城謂舍利弗言佛呼汝來阿耨達龍王欲得相見

舍利弗自解祇支帶著目連前謂目連曰汝有神足舉此衣帶結闇浮提樹目連執帶不能移動盡力欲舉地皆大動舍利弗便從目連著弗于遠又以纏須彌山目連便舉動須彌山舍利弗復以此帶纏如來座目連遂不能動捨帶還龍王所遙見舍利弗已在前至結跏趺坐直身正意繫念在前至世尊所頭面禮足白言我不失神足耶何以故我從祇洹前沒不現後至此池舍利弗後沒不現先至在座世尊常說我第一云何後至佛曰不退舍利弗比丘有大智慧還舍衛城衆亦生疑佛告目連衆多比丘無恭敬心於汝言舍

利弗神足勝汝可於此衆中現其威力對曰承教即於座起住須彌山頂以一足蹈須彌山頂舉一足著梵天上蹤須彌山使地六反震動時以梵音而說此偈

當速求方便 於此佛法衆 當除生死患
如象食竹葉 若於此佛法 修諸無欲業

已除諸塵勞 亦盡苦源本

時諸比丘歎未曾有大目犍連說此偈時六十比丘因此漏盡出增
第二十七卷
阿含經

目連使阿耆河水漲化作寶橋渡佛十

舍衛城人勸化大會飯九十六種出家人復請波斯匿王及太子羣臣諸聚落主宿舊長者及薩薄等先一日集阿耆河岸上前至爲上座目連使河水暴湧泡沫彌岸諸外道等競縛簰筏適欲先渡取第一座而水激急洄湧漂還竟夜疲苦簰筏破散沒溺寒凍上於岸邊向日而蹲時祇洹精舍有人請僧佛住待時有年少比丘言世尊出晚恐外道得上

座去佛知時到與諸大眾威儀庠序俱詣河上諸外道言我等不能得渡此諸沙門當作何計目連化作寶橋種種嚴飾花香妓樂諸外道見各作是言沙門來遲我等先渡蹈橋墮水身服濡濕軍伏隨流佛以神力令無死者佛與比丘儼然而進次第庠序隨進步處

出孟蘭經

十五

寶橋即滅目連攝其神力河還如故使諸外

道皆悉得進佛說偈言

先得至此岸 已渡生死海 疾流不能漂
是名正智者第六卷

目連爲母造盆十一

目連始得道欲度父母報乳哺恩見其亡母

目連夜行弊魔化作撤影入目連腹中目連自念吾腹何故雷鳴如飢負擔入定觀見即謂之曰弊魔且出莫燒如來及其弟子魔即恐懼所化撤影出住身前出弊魔試

目連勸弟施并示報處十三

生餓鬼中不見飲食皮骨相連目連悲哀即鉢盛飯往餉其母母得鉢飯食未入口化成火炭目連馳還具陳此事佛言汝母罪根深結非汝一人力所奈何當須衆僧威神之力乃得解脫可以七月十五日爲七世父母厄難中者具飯五果汲灌盆器香油燈燭床褥

目連有同產弟饒財多寶庫藏盈滿儀從奴婢不可稱計目連告弟曰聞卿慳嫉不好惠施佛常顯說夫人惠施獲報無數弟聞兄教開藏惠施更新立庫欲受其報未經旬日財寶竭盡故藏悉空新藏無報其心懊惱向兄說曰前見告勑施獲大報不敢違教竭藏惠

施當來過去諸貧窮者靡不周遍寶貨竭盡
新藏無報將無爲兄所疑誤乎目連曰止止
莫陳此語無使異學邪見之士聞此龐言若
使福德當有形者虛空境界所不容受吾今
權且示汝微報若欲見者從隨我來目連以
神足力手接其弟至第六天彼有宮殿七寶

合成前後浴池香風遠布庫藏盈滿不可稱
計玉女營從數千萬衆純女無男亦無夫主
弟問目連是何宮殿巍巍乃尔不見有男純
是女人目連告弟汝自往問曰是何宮殿天
女報曰閻浮利內迦毗國釋迦文佛神足弟
子名曰目連有弟大富好喜惠施周窮濟乏

命終之後當來生此與我等作夫其人聞喜
善心生焉還至兄所大懷慚愧頭面懺悔還

至世間廣施不倦

出目連弟布
施聖報經

目連伏菩薩慢十四

目連承佛聖旨西方有一世界名光明燭佛
名光明王現在說法目連到彼聽佛語詞其

身長四十里諸菩薩身長二十里其諸菩薩
所食鉢器其高一里目連行鉢際上時諸菩
薩白齒尊曰雖然大聖此虫何從來被沙門
服行鉢際上於時彼佛言諸族姓子慎勿發
心輕慢此賢所以者何今斯少年名大目連
是釋迦文佛聲聞弟子中神足第一時光明
丙四

十六

王佛告大目連吾土菩薩及諸聲聞見鄉身
小咸發輕慢仁當顯神足力承釋迦文威德
目連誓首足下右遶七匝却在佛前白言今
欲跏趺此地容不佛曰如意所樂時大目連
踊在虛空億百千仞在彼寶域變作一床跏
趺而坐從其床坐垂衆寶珠億百千垓一一

珠瓔出百千光一一光明各有蓮華一切蓮
華現釋迦文身坐蓮華上其所言說如釋迦
文音響清淨班宣經典等無有異日連顯神
足已復住佛前時諸菩薩歎未曾有白佛言
是目連以何等故詣此世界世尊告曰欲試
釋迦文佛音響所徹遠近故到此土時光明

王佛告大目連仁者不宜試如來音響如來音響無限無遠無近廣遠無量不可爲喻時大目連自投足下改懺悔過唯然世尊我身不敏佛音無量而橫生心欲知其限其光明王告大目連曰汝雖遠來到此佛土復白佛言甚遠天中天身勞極不能復還至其本土

世尊告曰云何以汝神力到此世界故是世尊釋迦文佛威德所立當遙自歸誓首作禮於釋迦文佛自當得至假使鄉身以已神足欲還本國一劫不至目連右膝著地向於東方釋迦文佛所又手自歸屈伸臂頃即時得

至塗經第三卷
金剛力

十七

目連以神力降化梵志十五

佛告目連有一大國去斯八千處在邊境不覩三尊習於顛倒王及臣民奉事梵志有五百人並得五通能移山駐流分身變化國有大山塞民徑路舉國患之王向梵志說梵志等即繞山坐各一其心以道定力山起欲移

佛告目連汝住彼國現神通化濟度梵志及國君民令遠三塗永處福堂目連放光遍絕日月懸處空虛當其山巔山爲不動梵志驚曰此山已起誰抑之乎日無精光此將有以中有明者觀衆弟子誰穢濁者令山不移仰頭觀見覩一沙門當其山上梵志僉曰正是瞿曇弟子所爲梵志呼曰王令吾等爲民除患汝抑之爲目連答曰吾自懸虛誰抑汝山梵志三盡道力欲令山移山又三下遂成平地梵志顧相謂曰夫有明達道德深者則吾師也咸興正服誓首敬白願爲弟子示吾極靈目連曰汝等欲去冥就明者善吾有尊師號曰無上正眞天中之天爲一切智汝等皆往到佛所諸梵志曰佛之道化寧踰於師乎目連答曰佛德如須弥吾等似芥子汝等尋吾後即至佛前具陳其情內外清淨唯願世尊蕩其微垢令成眞淨梵志見佛心開意解皆作沙門出佛說心經

目連化諸鬼神自說先惡十六

昔目連至雪山中化諸鬼神及龍閻叉阿須
倫犍陀羅等時有一犍陀羅神居七寶宮與
衆超絕身形端正聰明殊特然人身狗頭目
連恠問何以乃答曰吾維衛佛時大富長
者也喜飯比丘梵志供給貧乏爲人急性弊

惡鹿言罵詈直出不避老少飲食人客小不可
意便云不如以食餒狗以是之故狗頭人
身好施供養受此福堂

出諸經事

目連現二神足力降二龍王十七

佛命長者阿那邠坻當行布施即起長跪又
手白佛願佛衆僧明日降神到舍欲設鹿飯

丙四

十八

佛默然受佛告諸比丘明早當上天投日中
下會邠坻舍飯佛以明日與諸比丘如彈指
頃即昇虛空時有羅漢名曰私檀即正衣服
於虛空中白佛言我數上天未曾聞冥如今
佛言有兩龍王大瞋吐霧是故冥闇復有羅
漢名曰受彼即白佛言余欲止之佛言龍大

有威神汝往必當興惡吐水沒殺人民蠕動
之類目連白佛我欲往諫佛言大善目連即
到龍所龍見目連即口出煙須臾出火圍目
連一重目連以道意亦化出火圍龍三重復
變身入龍目中左入右出右入左出如是次
第從耳鼻出入或飛入其口龍謂目連在其

腹中矣目連復變身圍遶龍十四重以身勑
兩龍龍大恐怖尾扇海水動須弥山佛遙告
目連此龍尚能吐水沒殺天下況且慎之目
連白佛我有四禪神足常信行之我能取是
須弥山及兩龍著掌中挑擲他方又能以手
撮磨須弥山令碎如塵令諸天人無覺知者
兩龍聞之即便降伏目連還復沙門龍化爲
人贊首作禮悔過目連愚迷狂惑不識尊神
觸犯雲霧乞哀原罪兩龍懺悔前受五戒贊
首佛足作禮而去

出降龍經

目連遷無熱池現金翅鳥十八

時阿釋達與其眷屬三月請佛入無熱大池

丙四

十九

供養并諸神通果辦菩薩及弟子衆許其半月龍喜興雲震電降雨普遍天下忽然之頃還昇宮中召五百長子其名善芽善施等五百長子吾今以請平等正覺及衆菩薩諸弟子俱盡其半月汝等當同一心廣相勉勵加敬世尊勤念無常當各寂靜謙恪恭肅住侍如來棄捐欲意及龍戲樂除貪慾害離色聲香味細滑所以者何世尊無欲安庠仁雅審諦調從承佛教誠汝等半月無得入宮除姪恚愚癡如來宣講法故必有他方神通菩薩釋梵持世宿淨天子當普來會汝等勤念廣施慎勿中懈令諸會衆觀變踊躍於雪山下

無熱池中化無瑕琉璃座縱廣七百由旬周而列置八方四千雜寶行樹諸堂之上有師子座八万四千皆大高廣有龍采女各二千人其色姝妙姿媚無量口出熏香擎持雜華末香塗香調作諸妓以詠佛德興悅衆會於虛空中幡綵垂間寶鈴和鳴音踰諸樂施饌百味與其眷屬遙啓世尊佛與八万四千菩薩皆大神通弟子二千亦上神足到無熱王宮目連承佛神旨遷無熱池現於虛空去地七文化身色像若金翅鳥王住龍宮上便告王言如來至也龍衆驚怖毛豎四走藏竄龍王慰之曰且各安心勿恐此爲賢者大目連可作倡妓相應進迎正覺及諸弟子至無熱池設廣博場師子之座龍與其衆手自執斟所設饌具踰世甘肥延有天味以用供養飯畢洗器竟佛爲說法一切會者各懷踊躍出道廣顯三昧經第二卷目連三觀不中其心皆實事虛十九佛住舍衛城時諸比丘集在一處共作是論善法講堂柱拄梁不目連言拄梁又有一無歲比丘言不拄即遣神足比丘往看還言不拄諸比丘語目連言汝不知何故言柱妾語不實應擯驅遣即集衆僧佛乘神足從空而來知而故問諸比丘汝作何等答

言目連乃至不柱言柱不實妄語欲作羯磨
佛問無歲比丘汝云何知不柱

答言世尊我曾一時在善法講堂坐禪佛語
目連汝何故不自看汝應審實目連心實而
不犯戒出僧祇律第二十九卷

目連心實事虛二十

人問目連是多浮池水從何處來目連答言
此水從阿耨達池中來諸比丘言阿耨達池
其水甜美有八功德此水沸熱鹹苦何有此
事目連汝空言過人法故作妄語應滅擯驅
出以事問佛佛語諸比丘汝等莫說目連過
罪何以故阿耨達龍住處去此極遠是水本
有八功德甜美遙歷五百小地獄過是故鹹
熱汝等若問目連是水何故鹹熱目連能隨
相答又一時大旱無雨目連入定見却後七
日天當大雨滿諸溝坑城邑聚落悉聞此言
皆大歡喜國中人民皆捨衆務覆屏蓋藏數
到七日諸比丘語目連汝言七日天當大雨

滿諸溝坑今風尚無何況雨耶汝空言過人
法故妄語欲滅擯驅出佛聞是事語諸比丘
目連見前不見後如來見前亦見後七日有
大雨下有羅睺阿脩羅王以手接去置大海
中目連隨心想說是故無罪出十誦律第十四卷

經律異相卷第十四 十一末 丙四

攀母朗反憇井滅反娆奴鳥反甲胄下直反
也大地也郗羅上知反暇閉音書籍下才矚音矚視也矜頭鑑居
反間也荅酢下音昨豪爽上音毫下疎兩猛烈也刪闔上所
也近反喘尺軟反阿說下音恍幼稚下音童猛利也利譽上
也也水澆下吉漸古愛反一灌一灌而羊反除也
懌音近反牧牛上音目積子智反燒上音焚稻飯
也也懷挾下胡償房粉反女妻下音細反七愣紫反
也也捐棄上音棄懊惱下正手搏擊下音搏
也也酷音驚反劇奇逆反萎悴上烏爲

遂蹴反秋六反 泡沫二字音 輜筏上音 排標追

反乳哺下音 抛末音 在撤直列域方力反 珠瓔

反一盈過於葛也 餓糲端 反邠垣上布巾反 珠瓔

多須蠕動上音 挑擲下口各 手撮活反 珠瓔

美藏竄下底葬也 潙坑上古侯反 覆屏上音副蓋 珠瓔

也也勸也 謙恪反恭也 瑕痕退音反 姿媚二反 珠瓔

勉勵下音例 挑擲下口各 手撮活反 珠瓔

聲聞無學第三 僧部第四

優波離爲佛剃髮得入第四禪一
迦旃延教老母賣貧遂得生天二
難陀得柰女接足內愧閉居得道三
難陀有三十二相與佛相似四

畢陵伽婆蹉以神足化放牧女人五
跋難陀爲二長老分物佛說其本緣六
迦留陀夷非時教化致喪其命七
阿難與佛先世爲善友八
阿難奉佛勑受持經典供給左右九

經律異相卷第十五

丙五

阿難七夢佛爲解說十
阿難爲旃陀羅母以呪力所攝十一
阿難乞牛乳佛記其方來十二
阿難化波斯匿王施十三
阿難試山向比丘并問阿育王十四
阿難剃髮得入第四禪一
優波離爲佛剃髮得入第四禪一

佛在王舍城無敢爲剃髮者唯有一童子名
優波離爲佛剃髮兒父母在佛前合掌立佛
言其能剃髮但身太曲父母教兒小直又莫
太直使出息不得龐大又言善能剃頭而身
太直父母語言莫太直佛言善能剃髮而入
息太鹿父母語莫鹿入息令佛不安又言善
能剃髮而出息太鹿父母語莫鹿出息令佛
不安時優波離入出息盡入第四禪佛告阿
難言優波離已入第四禪汝取其刀阿難奉
教阿難持故盛髮器收世尊髮佛言不應以
故器盛時有瞿波離王子將軍征討來索佛
鬚髮佛與王得知所安佛言安金塔銀塔